

## Ennetacher Feifermarsch

**Refrain: Ohne Wurscht, ohne Wei, da got an echta Feifer ei!  
ohne Wurscht, ohne Wei, da got an echta Feifer ei!**

Wenn bei eis a Schlachtfest ischt, noch hau mer auf dr Butz!  
Dia Nochber ruckat a ond wellat au was von dr Hutz!  
Ond wenn dia Sau au schpeckig ischt no ischt au ebbas dra,  
noch sait d`r Metzger glei zu eis, daß ma se metzgra ka!

**Refrain: Ohne Wurscht, ohne Wei .....**

Als nächstes kommt noch d`Weiflasch raus, dr Metzger der hot Durscht;  
Wenn i it glei mei Gläsele krieg, noch kriegat ihr koi Wurscht!  
Dia Wurscht, dia Kocht em Kessel and des muaß jo au so sei,  
mir freiat eis und sctoßat a ond ällas schtemmt mit ei!

**Refrain: Ohne Wurscht, ohne Wei .....**

Ond wenn dia Wurscht noch fetig ischt, noch weat se glei probiert,  
ond d`Nochberschaft, dia guckat schnell, daß sia am meishta kriegt.  
Mir gand sogar no d`Abfäll mit, ganz ohne Eiganutz,  
wenn ihr noch dra send, s`nägschte Mol, noch freßat mir dia Hutz!

**Refrain: Ohne Wurscht, ohne Wei .....**



## Ennetacher Feiferlied

Mir send Feifer, mir send froh, ha-jo, ha-jo, ha-jo.  
Älles sengt mit uns im Chor, ha-jo, ha-jo, ha-jo.  
Jo mir Feifer send em ganza Omland wohl bekannt  
mir schonklat, hopsat, lachat froh, ha-jo, ha-jo, ha-jo,  
mir schonklat, hopsat, lachat froh, ha-jo, ha-jo, ha-jo!  
Mit ma scheena Fasnetschwand, ha-jo, ha-jo, ha-jo,  
ziahnat mir durchs Feiferland, ha-jo, ha-jo, ha-jo.  
Jo mir Feifer bringat ällas außer Rand ond Band  
des muaß so sei, des ischt halt so, ha-jo, ha-jo, ha-jo,  
des muaß so sei, des ischt halt so, ha-jo, ha-jo, ha-jo!  
Mir send aus am Feiferland, ha-jo, ha-jo, ha-jo,  
Annada am Abstrand, ha-jo, ha-jo, ha-jo.  
In Mainz, in Köln und Düsseldorf, Karneval o-ho,  
doch neamat sait so schee wia mir, des kleine Wort ha-jo,  
doch neamat sait so schee wia mir, des kleine Wort ha-jo!

## D`Fasnet ischt a` luschtge Zeit:

(nach der Melodie: Keinen Tropfen im Becher mehr)

D`Fasnet ischt a luschtge Zeit,  
Leut jetzt wollat mer fröhlich sei,  
bis am Zeischtig z`Obat,  
D`Narretei dia ischt jetzt Trumpf,  
Lacha des macht ons gesund!

**Refrain:**

**In d`r Fasnet send mer luschtig,  
in d`r Fasnet send mer luschtig!**

Bletz am Fidla, Staub em Hoor,  
d`Fasnet ischt no amol em Jahr,  
drom send mir so luschtig!  
Mir send oifach luschtge Leit,  
Spass vertraga muaß mer heit!

**Refrain: In d`r Fasnet send mer luschtig, ...**

Buaba, Mädla, Weib ond Ma,  
älles was no hopsa ka,  
ischt verruckt ond närrisch!  
Trübsal blosa gilt heit it,  
heit do macht a jeder mit!

**Refrain: In d`r Fasnet send mer luschtig, ...**



# Annadamer Liedgut

## Hemmetglonker-Lied

*Nach der Melodie: Der Jäger aus Kurpfalz .....*

1. D' Fasnet goht jetz a'  
jetz jucket Kender, Weib ond Ma'  
im Hemmet ommanand  
well se a' Freud dra hand.

Refr.: Ha – jo , ha – jo  
d' Hemmetgloncker send jetz do  
mit Singsang ond ha – jo,  
jetzt sind mir wieder do.

2. Mit Lampio' ond Liacht.  
Ond s' Hemmet recht mit Senf verschmiert.  
A' rote Nas em Gsicht,  
noch send mer wieder gricht.

Refr.: Ha – jo , ha – jo  
d' Hemmetgloncker send jetz do  
mit Singsang ond ha – jo,  
jetzt sind mir wieder do.

3. Dia Leut am Trottwar do,  
die machet domme Gsichter na,  
des ischt uns oinerloi  
oimal muaß Fasnet sei.

Refr.: Ha – jo , ha – jo  
d' Hemmetgloncker send jetz do  
mit Singsang ond ha – jo,  
jetzt sind mir wieder do.

